

मूल मडोण सेज धून लागी देसी भजन लिरिक्स



मूल मडोण सेज धून लागी,
प्रेम जोत प्रकाशा,
गुरु जी रा वचन,
हिरदा रे माही राखो,
खोजत खोजत पाया,
डूंगर पूरी केवे सूनो हंस राजा,
धिन गुरुजी दर्शाया जी।bd।

शूशियो भोण होया दोनू भेला,
घर सूखमण रे आया,
आपरो कलश अमीरस भरीया,
पिवत पिवत पाया,
डूंगर पूरी केवे सूनो हंस राजा,
धिन गुरुजी दर्शाया जी।bd।

त्रिगटी रो ध्यान धिरप सू धरीयो,
सूरत नूरत मिलाया,
रूम रूम धून गेरी गाजे,
अनहद नाद घूराया,
डूंगर पूरी केवे सूनो हंस राजा,
धिन गुरुजी दर्शाया जी।bd।

लिवनारी डोर सिल नट सडियो,
चढत निशान घूराया,
रमत मडी राम थारे आगे,
सूर नूर जोवण आया,
डूंगर पूरी केवे सूनो हंस राजा,
धिन गुरुजी दर्शाया जी।bd।

सोवन सिखर मे महा धर्म रसियो,
दर्शन विरले पाया,
डूंगर पूरी गुरू जी रे सरणे,
बोहे अमरा पूर पाया,
डूंगर पूरी केवे सूनो हंस राजा,

समस्त भजनों के लिरिक्स और विडियो बिना इंटरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



मूल मडोण सेज धून लागी,
प्रेम जोत प्रकाशा,
गुरु जी रा वचन,
हिरदा रे माही राखो,
खोजत खोजत पाया,
डूंगर पूरी केवे सूणो हंस राजा,
धिन गुरुजी दर्शाया जी।bd।

गायक – प्रेम गोस्वामी बाड़मेर।
9799880344